



Broj: 13-03/1-04-42543-32/23  
Sarajevo, 04.12.2023. godine

**SKUPŠTINA KANTONA SARAJEVO**  
Služba za skupštinske poslove  
**- O v d j e -**

**KANTON SARAJEVO**  
**Stručna služba Vlade**  
**- O v d j e -**

Zastupnik Damir Marjanović je na 9. Radnoj sjednici Skupštine Kantona Sarajevo, održanoj dana, 03.10.2023. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovnikom Skupštine Kantona Sarajevo, uputio slijedeću zastupničku inicijativu:

**“Podnosim inicijativu da Vlada Kantona Sarajevo od nadležnih institucija traži unapređenje boravka svih štíćenika Zavoda Pazarić.”**

Uz slijedeće obrazloženje:

**Vlada Kantona Sarajevo je u novembru 2019. godine donijela nekoliko zaključaka u kojima se od nadležnih institucija traži unapređenje boravka svih štíćenika u ovoj ustanovi socijalne zaštite, a među kojima ih je 115 iz Kantona Sarajevo. U sklopu ovog zahtjeva, Vlada Kantona Sarajevo je zatražila i od Federalne uprave za inspeksijske poslove da urgentno izvrši nadzor po svim oblastima iz okvira svoje nadležnosti.**

**Pozivam Vladu Kantona Sarajevo da ponovo zatraži nadzor nad radom i funkcionisanjem Zavoda Pazarić, uključi Federalnu upravu za inspeksijske poslove, a od Federalne vlade i resornog Federalnog ministarstva rada i socijalne politike zatraži da izvrši stručni nadzor nad radom i funkcionisanjem Zavoda Pazarić. Potrebno je da Vlada Kantona Sarajevo uključi Kantonalni centar za socijalni rad u čitav slučaj sa ciljem da se izvrši ponovni nadzor nad boravkom štíćenika iz Kantona Sarajevo u ovom Zavodu. Molim da se zaduži Ministarstvo pravde i uprave Kantona Sarajevo da u kontinuitetu šalje urgencije prema Kantonalnom tužilaštvu, a sve do utvrđivanja eventualno odgovornih za stanje u ovoj ustanovi.**

## ODGOVOR:

U Ministarstvu za rad, socijalnu politiku, raseljena lica i izbjeglice Kantona Sarajevo zaprimljena je gore navedena inicijativa zastupnika Damira Marjanovića, a koja je sa pažnjom razmotrena u okviru ovoga ministarstva i na koje dajemo slijedeće izjašnjenje:

Inicijativu zastupnika Damira Marjanovića podržavamo, jer smatramo neophodnim kontinuirano voditi računa o korisnicima smještenim u ustanovama socijalne zaštite, te smještaj i pružene usluge smještenim korisnicima, kontinuirano unapređivati.

Što se tiče dijela inicijative koja se odnosi na uključivanje Javne ustanove "Kantonalni centar za socijalni rad" u slučaj sa ciljem da se izvrši ponovni nadzor nad boravkom štíćenika iz Kantona Sarajevo u ovom zavodu, navedeno također podržavamo u okviru nadležnosti ove ustanove.

S tim u vezi ovo ministarstvo će, imajući u vidu da je Centar za socijalni rad, koji je smjestio lice u ustanovu, shodno članu 42. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09, 45/16, 40/18 i 16/23), dužan radi brige, zaštite, liječenja fizičkog ili mentalnog zdravlja tog lica pratiti njegov tretman u ustanovi, od Kantonalnog centra zatražiti informaciju o provedenim aktivnostima u smislu navedene obaveze ove ustanove sa rokom za dostavu traženih informacija od 30 dana od dana zaprimanja zahtjeva za navedeno. Ovu aktivnost smatramo posebno važnom, imajući u vidu da je putem Javne ustanove "Kantonalni centar za socijalni rad" u Ustanovu za socijalno zbrinjavanje, zdravstvenu njegu, odgoj i obrazovanje – Pazarić smješten značajan broj korisnika sa područja Kantona Sarajevo.

Po dobijanju traženih informacija od Kantonalnog centra o navedenom ćemo informisati imenovanog zastupnika.

S poštovanjem,

Pripremila: Smaragda Lučkin, šef Odjela  
Kontrolisao: Miralem Dedović, pomoćnik

Sekretar Ministarstva, Amira Gackić

Dostavljeno:

1. Naslovu,
2. a/a.



Adresa: Reisa Džemaludina Čauševića 1, 71 000 Sarajevo  
Tel: + 387(0)33 562-089, Fax: + 387(0)33 562-090  
Web: <http://mrsri.ks.gov.ba>, E-mail: [mrsri@mrsri.ks.gov.ba](mailto:mrsri@mrsri.ks.gov.ba)

2/2